

# QUÆSTIO MEDICA, 26.

## CARDINALITIIS DISPUTATIONIBUS

manè discutienda in Scholis Medicorum, die Martis

17 Martii 1722.

M. LUDOVICO LEMERY,

Doctore Medico, Regiæque Scientiarum Academiæ Socio, Præside.

*An, ubi Pestis, ibi sani & agri solis Vegetabilibus alendi?*

**P**ESTEM esse morbum quovis alio longè tetriciorem, numerosisque stragibus verè terrificum, dira clamat experientia. Eam inaximè arguunt Bubo, Carbunculus, *Exanthemata*. Febrium malignarum extremum censetur. Qui hanc contagione grassari negat, is voluntarià cæcitate deceptus, vel ligandi prurigne jactatus, vel alià quavis causâ miserè illusus, mediâque luce cæcitiens asserat quoque, *nil intra esse oleam, nil extra esse in nuce duri*. Contagium contineri ne dubita in particulis tenuissimis, salino-sulfureis, maximè evolutis, quas ab irrigante corpus agrum liquore secretas perspiratio effundit, quas nova vis & iterata evolutio ab aëre induc'ta excavit, quas æthere ex uno corpore in aliud vehente sequitur fermentatio Symptomatis tam horrendi mali gignendis congrua. Corpus enim si isti veneno suscipiendo multiplicandoque obnoxium deesset, *inflammata* pestifera aëre passim disjecta elanguescerent, consumerentur, depositâque malignitate vancescerent. Si pestilenti corpore emissæ particulæ sanorum liquores, quibus incurrunt, ad instar fermenti exagitant: eodem ferè pacto, quo massæ farinaceæ prius fermentatæ portiuncula maximam novæ massæ quantitatem ciet pariter in fermentationem. Volitantes ramosi vestium partibus facillè irretitur: hæc ultra certos aëris limites vim exitalem nec servat nec excreit, neque tantum in medio aëre transitum vehiculunque nanciscitur, sed & ulteriorem elaborationem, quâ necessariò eget magna ejus pars, ut in solidas liquidasve corporis partes sevirè valeat efficacius. Haud aliâ ratione velles eo veneno afflatæ capsulæ accuratè obturatis incluse, multos annos pestiferum fermentum, quod, aëre nec aspirante nec excitante, torpuerat inerti situ, integrum nec effectum servavère; idem deinceps admisto aëre eveh'tum illapsumque corporibus idoneis pestem passim derivavit. Idipsum videre licet in quibusdam *phosphoris*, qui in ampullâ diligenter ocellusâ quandiu coeuerant, lucem non edunt, vimque suam diutius retinent; si verò aëri externo exponantur, flammam concipiunt, corpora quædam inflammant, tandemque in tenues fumos avolant. Absit tamen opineris, auram hanc pestilentem in quoslibet esse æquè efficacem: scintillâ quidem corpora omnia igni concipiendo apta non corripuantur; hæc si in ligna virentia inciderit, erit inefficax; si in carbones ex iisdem lignis paratos, in quibus sulfura sunt magis eve'ta, aqueive partibus magis orbatâ, ii exardescunt: idem de liquoribus nostris; hi pro variâ suâ indole à pestiferis corpusculis variè afficiuntur. Ut febres malignæ, ita Pestis plerumque à pravis alimentis, unde postmodum vitiosus sanguis. Et verò experientiâ compertum pesti annonæ caritatem, egenos cibis pravis uti coactos, ut plurimum morbis malignis affligi, ditissimos postea contagione invasuris: nec, nisi annonæ difficultas subinde temperaretur, dubitandi locus, quin contagium, nedum elanguesceret, contra invalesceret in dies, ac tandem in veram pestem degeneraret. Indè patet, quod, peste alicubi vigente aut imminente, ibidem cura diata sit magnoperè intendenda, nec vitandâ modo cibi pravi, sed & eligendi, qui laudabilem liquorum *crasim* servant, pesti opportunam immutent, contagio vitiatam corrigant; victum denique sanis & agris maximè accommodatum præbeant.

A

**E**XTANT in rerum naturā corpūcula tam solida, & essentialis figuræ, unde peculiare & immutabiles ipsorum proprietates, adeo tenacia, ut rapidissimos inter corporum motus conflictusve stent intemerata: ejusmodi sunt ignis (sulfurum principium), aer, acidum (salium principium), aqua, terra: quæ quidem prima corporum naturalium elementa habeantur. Materia quævis sulfurea quoddam est coagmentum vesicularum elementato igneo rigidarum; ex acido autem aliis elementis variè immixto salium discriminata. Ne tamen exillima, satis esse ad assuevendam intimæ mixtorum texturæ noticiam, si hæc elementa noveris, & quot ex singulis in quolibet mixti genere. Ut elementa grammatica, sic & corporea: ne cognito quidem quarumque litterarum orationum componendum numero, hanc intelliges, sed quolibet ex litteris confiato vocabulo vocabulorumque ordine expensis. Ex variâ elementorum conjunctione variæ exsurgunt molecule, quæ rursus variè ordinatæ varios pariunt liquores. Liquet ergo, quanti intersit ad perfectam liquorum nostrorum cognitionem, tum elementa, tum molecule ex iis constatas, tum ipsarum ordinationem indagasse. Hæ molecule vel sunt salinæ, vel pingues, vel aquæ. Salina liquorum portio existit ex sale ammoniaco, quale v. g. componatur ex sale volatili-alkalino & acido quovis, sed potissimè nitroso; alii etiam occurrunt sales concreti ex acido intra matricem fixam incluso, sed hi ammoniaco rariores. Ad legitimam horumce liquorum temperiem, prædicta salia cum portione pingui probè misceantur; indè innu-mera ad functionum integritatem commoda. 1<sup>o</sup>. Enim salium aculei, aboqui partibus nervosis membranosisve irritandis apti, involuti misceantur; deinde pingui, aliis paribus aqueis permisceri inepta, salium ope, aquâ solvuntur, simulque per tenuissimos vasorum ramulos facili feruntur. Ubi autem jugi liquorum fermentatione salia aut sulfura quædam nimis evoluta sejunguntur, hæc perspiratione, illa urinis præsertim amandantur; utraq; si resistent, noxia: succi verò, qui non tantam particulatam evolutionem, majorem tamen, quam nutritii, passi sunt, (qualis bilis, à salibus evectis oleosisque partibus fermentationis vi torrefactis amarorem adeptæ); hi, naturâ regente, congeruntur in receptacula quædam, indè in primas vias mananturi, ceu totidem chyli fermenta. Dulce à mixturâ salium & oleorum exquisitâ: quæ cum sit hujusmodi in succis nutritiis, non mirum si ipsi dulces & balsamici: quò firmior iis inest salium sulfurumque nexus, eò efficacius obstitunt causis quibuscumque huic amicæ societati blandaque succorum dulcedini adversæ. Quid jam è dissimili liquorum affectione mali accidat, è lacte in loco calido aliquandiu reposito æstima: tunc adventante fermentationis motu, salina illius portio è pingui extricata, fero, quo abripi pergit, non amplius dulcem sed acidulum conciliat saporem; ramolæ vero portiones pinguis partes, salium ope à se invicem non ut prius disjunctæ, ob similitudinem coeunt, crassioresque pariunt molecule, fero indissolubiles, fundumque petentes, quemadmodum fit in præcipitationibus metallicis. Si quid simile in liquoribus poltris contingit; jam portio eorum serosa, salibus evectis feta, *Rheumatismos*, Tussim, *Catarthos*, Dolores, Convulsiones pariet; jam portio pinguis concretescens obstructions, tumores, *phlogoses*, & alia afferet incommoda. Tandem progrediente ulterius dissolutione, (quod videre est in morbis extremis, in peste videlicet, febre pestilentiali, variolis malignis, in quibus sanguis undequaque sæpius erumpens *hemorrhagias* excitat serò proximis); non tantum salinæ partes à sulfureis sejunguntur, sed etiam quælibet portio se-juncta in partes adhuc simpliciores resolvitur, nempe sal in acidum corrosivum, & sulfur in materiem causticam, *phosphori* naturam æmulantem. Tanto malo obstat in votis est? fac, aut ferves, aut resittas, alienentorum ope, salinas inter & sulfureas liquorum particulas blandum societatis vinculum.

## III.

**T**RIPLEX Naturæ officina, ubi corpora eadem varias fermentatione subeunt alterationes; prima in terræ penetralibus, secunda in plantis, tertia in animalibus. Quæ è terræ visceribus eruantur materiæ sulfureæ, densiori compage majorique partium tetrearum copiâ donantur: eadem è terrâ in plantas, è plantis in animalia translata explicantur tenuanturque magis ac magis & leviores fiunt. Oleum minerale, utpote crudum, aliquatenus indigestum, parumque ductile, salium superficiæ minùs illinitur, leviterque adhærescit: idcirco quæ distillatione è mineralibus, sale v. g. & sulfure communibus, vitriolo, alumine, eliciuntur acida, nativam corroderi vim magis retinent, quam quæ eadem viâ è vegetalibus, in quibus sulfura magis elaborata salium aculeos accuratius implicant, iisque tenacius alligantur; quod quidem patet in certis fructibus, maximè quæ in uvâ, ubi licet oleorum & acidorum requisita adit proportio, dum tamen est immaturæ, ipsius oleum è terrâ recens haustum, necdum fermentatione satis subactum, acidis ap-

primè coniungi nequit, unde sapor illius austerus, acerbus, acidus, qui postmodum maturefcente fructu dulcescit, hoc est, laxatà sufficienter oleorum compage, simulque iunctis, ut par est, salium & oleorum partibus. Tandem olea in animali officinà ulterius evoluta acidas partes adeò arctè amplectuntur & undequaque contegunt, ut hæc nulla sui vestigia præbeant vulgatà animalium *analysi*, & . nisi accuratiori processu patefierent, ab animali familià prorsus abesse crederentur. Quid plura? ex omnibus ferè corporibus tum vegetabilibus tum animalibus cum alumine rectè calcinatis, fit pulvis aëris contactu inflammabilis; non item ex oleis mineralibus, utpotè minus evolutis, & cum sulfur animale tenuitate partium vegetabili ut plurimum antegellat, propiusque ad punctum destructionis vesicularum elemento igneo turgidarum accedat, non solum pulvis inflammabilis est sulfure animali & alumine paratus vegetior esse solet quàm ex vegetabili, sed & animale regnum variorum *phosphorum* tum spontè tum arte factorum feracius est quam vegetale. Quod jam salia in triplici regno contenta spectat; acidum elementare idem est ubique & uniuersum, nec ullam ex aculeorum varietate patitur differentiam, sed ex particularum heterogenearum, quibus penitus expedire se nusquam valet, admixtione: acidum ergo in terræ sinu ita afficitur, ut è mineralibus sub duplici formà emergat, quale 1<sup>o</sup>. è sale communi aut gemmeo, 2<sup>o</sup>. ex alumine, vitriolo, sulfure communi educitur: idem plantarum ingressum, minerali formà raptim aut sensim amissà, nitrosi evadit, vel demùm tale fit in animalibus, si minus in plantis. Acidorum matrix in quovis regno varia: in minerali, plerumque fixa, terræ vid. aut metallica; aliquando volatilis, unde sal ammoniacus, ibi quidem rarior quàm in plantis, in quibus plurimi sales concreti prius in terræ sinu matrice fixà donati, volatili indispiscuntur. Licet autem sal ammoniacus sit in vegetali regno sat frequens, ibi tamen parcius quam sal concretus è fixà matrice existens: tandem quæ in plantis formam ammoniacam non inducunt salia, eam plerique in animalibus sortiuntur, depositis fermentatione particulis terris, oleosisque in eorum locuna dissolutis; hinc paucissima in iis occurrunt salia fixa.

## I V.

**E**X dictis liquet, 1<sup>o</sup>. in quo consistat alteratio inducta salinis sulfureisque partibus alimentis vegetabilis in succos corporis nostri nutritios conversi, 2<sup>o</sup>. quod cibus animalis nondum corpus nostrum ingressus, eandem processu salium sulfurumque evolutionem in alio corpore jam subierit, quam in nostro tandem cibus vegetalis: ille ergo angelus in stomachum, indeque in alias partes, eadem relegit organa, quæ prius in animali unde prodit, lustraverat; & in singulis explicatæ denuò ipsius partes ad separationem jam vergere incipiunt. Quamvis enim salia & olea ad certum usque gradum evoluta, apprimè tunc socientur, his tamen ultra modum evectis, non solum jam laxantur eorum vincula, sed & ulterius perseverante fermentatione, planè resolvuntur, atque nativa cuiusque molecule tum salinæ tum oleosæ compositura evertitur. Et quidem si ex animali deprompti succi dulces ac temperati (qualis lymphæ aut carnis musculosæ decoctum validum) digestioni diutius permittantur, oleosa salium ammoniacorum involucre ita se sibi acidis exp. diunt, ut vel minimo calore in auras faciliè evanescant; quod prius eodem caloris gradu minus fieri potuisset; præterea aliis partibus oleosis tenuioribus pariter avolantibus, maior acidorum copia sui juris fiet; denique pars oleosa fixior & resinosa, caustica evadet, utpotè quæ diuturniori fermentatione subacta ac detrita igneam materiem intra vesiculas minus coerceat, faciliusque ex iis evomat; quapropter ex hac massâ partibus heterogeneis accuratius segregatâ parari poterit *phosphorus* aëris externi contactu flammam concipere idoneus, acidorumque evectorum, gremio adhuc contentorum, tam parùm tenax, ut hæc aquâ, in quam asservandus immergitur, faciliè avellantur. Si quid igitur tale aut analogum peste correpti liquoribus accidat, ex eoque exhalantia *misimata*, quasi totidem fermenta, luem pestiferam aliò referre valeant; quò magis liquores iis obviæ ad eum evolutionis statum jam accesserint, in quo salia & sulfura disjuncta ulterius resolvuntur, eò facilius *misimatum* nisi obsequuntur: porrò ex cibus animalibus constati liquores, utpotè valde evoluti, sunt maximè istius modi; & quemadmodum variis processibus ex materiis animalibus promptius quàm è vegetabilibus conficiuntur *phosphori*, liques frequentiores ac vegetiores; ita etiam cibi animales in corpus peste idem ingesti, liquorum malignitatem à nimia evolutione oriundam multò citius induent & multiplicabunt, quàm vegetabiles. Cæterum ne mireris, nos pestis causam in succis, quorum aqua revixerunt & olea *phosphori* naturam emulantur, reponere; nec putes, nos chymia adeo adulatâ, ut id unum in rerum naturâ percipere aut animo fingere possimus, quod prius fornicibus patefactum; tandemque naturæ operationes chymicas multò remissiores, igne & corrosivis corporum particulis exsuscitandis prorsus esse ineptas. Contrarium pate-

bit, si cogites, è poris plurimotum animalium vel sanorum continuo avolatæ particulas sulfureas tenuiores & lucifetas, nocte præsertim conspicuas; è felibus v. g. inverso pilo ad dorsum asperè frictis, è nonnullis millepedis erucifæ, è carne bovillâ, quæ recens licet, apud Lanios lucem aliquando emittit, tandem & frequenter ex ipsis etiam hominibus; si enim è tenuissimâ catbasso castitum solidâ die collo circumvolatam, vespere in loco penitus obscurato raptim extendatur, innumera subito emergent scintillula, intra cæsitiæ plicas depositæ. Si igitur in corpore hominis sano *phosphori* lat frequentes, hos multò adhuc esse frequentiores verisimile in morbis extremè malignis, ubi succorum evolutione longè major.

**I**N Urbe, quam affligit Pests, aëris puritatis toti viribus incumbendum, cavendumque imprimis, ne quid è variis corporibus exhalet, quod contagium alat & promoveat, imò malignis *inasmatis*, quæ è corporibus peste contactis continuo effunduntur, aër ipse, quantum potest, expurgandus, combustis vaporatisque partibus quæ venenata *inasmata* aut absument aut ita implicent, ut evadant, si non inertia, saltem minùs efficacia: talia sunt permulta salibus sulfuribusque gravida tum mineralia tum vegetalia, ex quibus plurima suavem spargunt odorem. Sedulo autem arcendæ ac devitandæ prava exhalationes è materiâ purridâ aut putrefactioni proximâ erumpentes, quæ sulfur arguunt nimiopter explicatam, ad *phosphori* naturam, ut ita dicam, accedens, inducendâ fermentorum pestilentium in aëre volitantium indoli, iisque multiplicandis quam emendandis aptius. Eiusmodi sunt materiæ animales, nec dubitandum, quin cibaria ex animalibus annona in loco peste infecto comparata, materiam præbeat plurimis vaporibus sanitati maximè noxiis, nec nisi interdicto horumcè alimentorum usu cohibendis. Quid enim putidius, quam laniæ, piscaria fora, tum carnibus & piscibus prostantibus, quæ recentia licet, malè semper olent, & levissimâ causâ corrumpuntur, unde odor pessimus, tum etiam occisorum exenteratorumque animalium sanguine & excrementis, nec tantum mortuæ sed & vivæ animantes tenuissimis sulfuribus aëra continuo insciant per insensilem transpirationem & per olidos è biliosis utinalibusque excrementis vapores. Deinde cum excrementa animalium, quæ plantis vescuntur, longè minùs fœtant quam carnivororum, si carniû pisciumque esu abstineant infectæ Urbis incolæ, putridis vaporibus minus aëra contaminabunt. Præterea animalium in eadem Urbe comparatio majoris est laboris minùsque commoda; iis enim ipsis providenda sunt alimenta; unde annona duplex: facius ergo, si sola vegetabilia colligantur; hæc enim nullo rursus egent alimento, excrementa fœtida non deiciunt, haud ita premittat corruptionem subeunt quam caro & piscis, & si corrumpantur, multo minùs fetent: insuper illorum succi temperatiores. Fatenur ultrò probè peritque Medici, utiliora esse & magis congrua, saltè in morbis acutis, iuscula ex heredeo, oryzâ, avenâ & similibus, quam ex carne: & nisi obster malè præconceptus timor, ne inedia consumat, hæc potissimum diæta in Peste, quæ alio quovis acuto morbo accuratorem postulat, usurparetur. Denique alimenta vegetalia sanis & aegris in peste præstabiliora esse, hinc etiam dijudica: attendenti patet, nos à Naturâ sapienti rerum nobis utilium procuratrice, non fuisse constitutos, ut cibis animalibus uteremur: Et vero ex animalibus aliæ carne, aliæ plantis vescuntur; illæ præter instrumenta naturalia, quibus prædam rapiant, lacerent, crudamque digerant, innaro etiam instinctu in eos cibos feruntur, iisque maximè videntur delectari; hæc licet aliquando toto corpore præsertimque ore valentissimæ, tamen armis carent ad eosdem usus accommodatis, & ab eiusmodi cibis abhorrent videntur, nedum eos appetant. Atqui carnivoris animalibus homo haud annumerandus: etenim pleræque plantæ nullo aut saltem exiguo indigent apparatu prævio, ut in cibum nostrum vertantur; quædam imparatas vulgò edimus, & si quasparamus, magis ut gustui serviamus, quam ut necessitati, quæ ad summum, ut leviter ex aquâ bulliant, iubet. Contrâ animales cibi (paucis exceptis) coctione necessarii egent, ut fiant palato & stomacho tolerabiles: præter quam quod enim inscâ quadam repugnantia ab istiusmodi alimentis crudis Natura nos avocet, instrumenta quoque quibus animalia lacerentur, cerantur, digeranturque, nobis denegavit: hæc igitur non à naturâ, sed ab arte, quæ postquam coctione istos cibos gustui & stomacho conciliavit, variis condimentis aëre si aves efficit, ut non modò in usum vulgarem cesserint, sed etiam, gulam irritando excessum provocarint; unde morborum cohors.

Ergo, ubi Pests, ibi sani & aegri solum Vegetabilibus alendi.

Proponebat Parisiis JACOBUS JULIANUS CARREL, Constantiensis, Baccalaureus Medicus, A. R. S. H. 1722. à sextâ ad meridiem.